



Publicaziuns officialas dils 07-01-2022

Damondas da baghegiar

Nr. 174/2021

Datum da publicaziun: 07-01-2022

Patrun: Baumberger Thomas, 8730 Uznach
Frei Roger, 8718 Schänis

Liug e parcella: Rabiis-Caho; 73

Object: construcziun da treis parcadis

Il profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 07-01-2022

Cumissiun da baghegiar

ELECZIUNS COMMUNALAS 2022

Uffecis politics che crodan en elecziun

Tenor art. 11 dalla constituziun communal han las elecziuns communalas liug 2022. En elecziun crodan ils suandonts posts e mandats politics:

- a) president communal,
- b) geraus,
- c) commembers dalla cumissiun da quen e gestiun,
- d) commembers dalla cumissiun da baghegiar.

Tenor art. 20 dalla lescha da votaziuns ed elecziuns succedan las elecziuns per regla denter igl 1. d'avrel ed ils 15 da zecladur.

Demissiuns

Persunas che seretilan d'in uffeci communal, ston comunicar quei a scret alla suprastanza communal **entochen ils 31 da schaner** (bul postal) digl onn d'elecziuns. Tgi ch'intenziunescha da demissionar ei supplicaus da risguardar il termin sura indicau.

PREAVIS ED INFORMAZIUN

Abdicaziuns

La gliesta cullas persunas che han demissionau vegn publicada a dretg temps el FUS.

Nominaziuns novas

Officials che seretilan buca, valan sco proponi. Ils vischinadis e gruppaziuns da silmeins 15 votant(a)s san far nominaziuns da candidat(a)s per scadin post che stat en elecziun. Tuttas propostas per la gliesta officiala ein d'inoltrar en scret all'administraziun communal entochen ils **15 da mars**. Ils corrispundents formulars san vegnir retratgs dalla canzlia. Las candidaturas ston mintgamai cuntener num, prenum, onn da naschientscha, liug e professiun dil nominau.

Sumvitg, 07-01-2022

Suprastanza communal

Exposiziun da recuors planisaziun locala

Sebasond sin art. 48 alinea 4 dalla lescha cantunala da planisaziun (LPTGR) ha l'exposiziun da recuors pertuccont la revisiun parziala dalla planisaziun locala dalla vischnaunca Sumvitg decidida dalla radunonza communal dil 15 da december 2021 liug.

Tema/materia: Revisiun parziala planisaziun locala determinaziun spazi d'auas, zona da prighel, zona d'aua sutterana e zona da schurmetg per fontaunas, plan d'avertura general traffic

Acts d'exposiziun planisaziun locala:

- midadas lescha da baghegiar
- Revisiun parziala dil plan da zonas, nord, 1:7'500
- Revisiun parziala dil plan da zonas, sid, 1:10'000
- Revisiun parziala dil plan da zonas, Rabiun, Igniu - Cahuons, Sogn Benedetg - Laits, Sumvitg, Surrein - Reits, 1:2'000
- Revisiun parziala dil plan da zonas, Cumpadials, Clavadi, Pardomat, Laus, Val, 1:2'000
- Revisiun parziala dil plan general d'avertura, traffic, nord, 1:5'000
- Revisiun parziala dil plan general d'avertura, traffic, sid, 1:5'000

Documents da basa:

- rapport da planisaziun e cooperaziun
- rapports d'examinaziun preliminar digl uffeci per il svilup dil territori
- determinaziun spazi d'auas vischnaunca Sumvitg, rapport accumpignont
- protocol dil december 2013 pertuccont applicaziun cartas da prighel, cumissiun da prighels 1
- protocol digl uost 2018 pertuccont approbaziun zonas da schurmetg aua sutterana

Cuoz da publicaziun: 7 da schaner entochen ils 7 da fevrer 2022 (30 dis)

Liug e temps da publicaziun: Canzlia communal Sumvitg, duront il temps uffical da spurtegl. Muort la situaziun actuala da CORONA vegnan ils acts d'exposiziun era publicai sin la pagina d'internet dalla vischnaunca Sumvitg www.sumvitg.ch.

Recuors da planisaziun/protestas: Persunas cun in interess dign da vegnir schurmegiadas dalla decisiun enviars la planisaziun ni che ein legitimadas segnend il dretg federal san inoltrar enteifer 30 dis suenter questa publicaziun in recuors viers la planisaziun locala a scret alla Regenza dil Cantun Grischun.

Organisaziuns digl ambient: Organisaziuns per gl'ambient fan valer lur dretg da recuors segnend art. 104 alinea 2 LPTGR, vul dir, ellas annunzian lur participaziun vid il proceder enteifer il temps da recuors agl uffeci cantunal per il svilup dil territori ed inolteschan silsuenter ina eventuala posiziun

Serrada via Val Sumvitg

Ord motivs da segirtad resta la via Val Sumvitg **serrada** naven d'immediat sil tschancun da Val anen per tut traffic.

Sumvitg, 07-01-2022

Departament traffic

Uffeci civil Surselva

Mortoris

Tgetgel-Cathomas Maria Giuseppa, naschida ils 07-07-1926, morta ils 23-12-2021, stada sesenta a Cumpadials.

Jacomet Carlina naschida ils 23-10-1934, morta ils 25-12-2021, stada sesenta a Cumpadials.

Sumvitg, 07-01-2022

Controlla da habitonts

Ils retgs e las reginas fan viseta!

Suenter in onn da pausa muort la pandemia cantein nus uonn duront ils survetschs divins a Rabius, Sumvitg, Surrein ed en Casa sogn Giusep. Plinavon cantein nus per ils vischins da Cumpadials en lur baselgia, per ils vischins da Clavadi, Sogn Benedetg e Laus mintgamai en lur caplutta. Dallys bunamanas che nus astgein retscheiver va ina pintga summa en nossa cassa da classa. **La gronda part dil recav ei destinada per l'organisaziun Alplandia.**

Nus cantein sco suonda:

venderdis, ils 7 da schaner

17.00 en caplutta a Clavadi

17.45 en caplutta a Sogn Benedetg

18.45 en caplutta a Laus

sonda, ils 8 da schaner

16.30 duront la messa en Casa sogn Giusep

17.45 en baselgia a Cumpadials

19.00 duront la messa a Surrein

dumengia, ils 9 da schaner

09.15 duront la messa a Rabius

10.30 duront la messa a Sumvitg

Nus engraziein gia ordavon per Vies sustegn e giavischein a Vus in bien niev onn.

Ils retgs e las reginas dalla pleiv Sumvitg cun lur scolasta

Meisa da miezdi (gentar communabel) dalla Pro Senectute a Cumpadials

Pro Senectute Surselva organisescha ensemen cun Nadja Scolieri ell'«Ustria dalla Staziun» a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi dueiesser da promover la cuminonza ella vischnaunca da Sumvitg e contuorn denter las persunas ella vegliadetgna dalla pensiun. **Obligaziun ei il certificat Covid tenor prescripziun dalla Confederaziun**

Liug: «Ustria dalla Staziun», 7176 Cumpadials

Datum: venderdis, ils 14 da schaner 2022 allas 12.00

Annunzias: Ein da far entochen mesjamna-sera tier «Ustria dalla Staziun», Cumpadials tel. 081 943 19 22